



慕萊堂詩文徵存卷四

光緒丁亥仲冬邵陽李執淵太守以前守臨江時所寫

慕萊堂額及諸題詠見示索題因爲長歌七言三十韻

以慰勉之

新甯 劉坤一 峴莊

我官江西十餘載不知昔賢有老萊臨江太守初下車
顧問老萊安在哉老萊當年卻楚聘奉母隱居江之隈
爲欲娛親嘗戲綵七十老翁學提孩堂下兒啼堂上笑
至今言之猶哈哈如此高蹤與至性無怪百世常溯洄
太守生平敦古處內行久爲族黨推此日顯揚雖畧遂
公餘時復歌南陔倚閭二老戀鄉國迎養未肯勞輿僮
慕萊堂詩文徵存 卷四 一

陟岵陟屺空瞻望白雲親舍徒徘徊一官匏繫闕定省
曷若老萊侍耆鮒堂曰慕萊非浮慕遠志當歸意已該
會逢大比試多士斲輪老手與鑒裁從此名場識曾閔
後先題詠皆鄒枚慕萊堂更生光采一時傳誦動九垓
悠悠彼蒼胡太酷怙恃相繼赴泉臺游子肝腸已寸裂
慕萊之堂何崔嵬太守語我聲淚併未著斑衣乃著縗
而我亦抱皋魚慟不待辭畢已心摧有表陳情殊恨晚
無緣報德倍銜哀年來齒髮半衰落苦塊餘生萬念灰
太守慕萊今已矣此堂終不沒塵埃臨江山水都清絕
長與斯堂共昭回士庶見之知感勸三字能將風俗培

況聞龔黃著循績口碑載道如春雷遺蹟自同遺愛永
前賢還有後賢來登堂誰不思御李且與慕萊相追陪
太守年力正強仕盤錯利器本恢恢方今中外尙多故
朝廷亟需濟世才春明服除重展覲求忠於孝天
顏開

義甯 陳寶箴 右銘

渺渺荒亭說老萊宦游蹤跡付浮埃堂前只有思親淚
不墮人閒萬劫灰

賤子湘城奉母時閒園草木尙華滋
同治中迎養先慈來湘賃居省城閒
園板輿舊事分明在忍誦萊堂跋尾詞

慕萊堂詩文徵存 卷四

二

茶陵 譚鍾麟 文卿

弱冠登賢書聲華耀文府皇路事馳驅春暉絲百五一
麾守臨江隨車足膏雨捧檄色欣然忠孝光門戶宦成
名自立祿厚養思補庭闈去何遠白雲彌天宇朝昞衡
嶽巔夜夢瀟湘浦眷戀不遑安郡齋心獨苦緬彼老萊
子娛親效斑舞高躅世所欽仰止企前矩隱達雖殊途
瞻依同恃怙孺慕無已時茲堂亦千古

慕萊堂題詠

元和江 標 建霞

老樹覆檐茅葢屋路人猶指老萊亭誰知別有無窮慕
螺扁重書一署廳

千墨留題聚一編使君永慕自年年臨江水色清如鏡
照見春衣影欲仙
畫本評量稿本存隨身開展當晨昏含毫一事無多讓
萱圃秋來綠有痕

山陰
俞廉三 虞軒

森森翠柏棲羣鳥朝朝反哺翔復呼日坐堂皇愧相對
嗟子永感親未娛 新恩昨甫遷薇省詔糈優厚分天
廚子欲養親親不逮春暉寸草空歛歎羨歎臨江使君
李高風直欲追萊子我爲寫圖寫君心大孝終身慕無
已

慕萊堂詩文徵存

卷四

三

武陵 劉鳳苞 采九

匡廬西去二千里親舍遙遙白雲起生平不羨畫錦堂
私心但慕老萊子臨江太守古純臣由來純孝篤天倫
板輿迎養志未遂鐘鼎何如藜藿親人生樂事在庭幃
慕親豈是慕萊衣題詠琅琅遍行篋追隨五馬生光輝
一朝風木增哀感楹書手澤淚痕掩三年廬墓依松楸
萬里風雲積愁慘蒙山再至鬢如絲春暉黯黯非昔時
綵服娛親今已矣惟有孺慕無盡期吁嗟乎古來高士
樹聲教空山猿鶴亦騰踔慕萊兩字見性真不慕其高
慕其孝卽今豸服臨江南移孝作忠兩無慚此卷流傳

應不朽珍重靈臺雙玉函

湘鄉 成果道 靜齋

仕隱同倫理相契在天眞臨江賢太守明發懷二人聞
古老萊子七十娛其親蒙山有遺蹟適與郡城鄰過訪
心惕若定省違昏晨建堂誌景仰孝思古爲新板輿空
翹企生已悲鮮民人子蓼莪慟歷久長不泯我值老萊
年抱恨九易春憶壯辭戎幄歸時歲丙辰承歡倚堂北
徵召常遠巡科名親所期別或逾十旬厚望終莫慰徒
悔作客頻慘逢歲在戌就養情難伸銜恤時展墓躑躅
湖水濱自念少孤子族遠家清貧鞠我昊天德欲報今
無因幸君夙能仕教忠聞大倫戲綵不可復令名當益
臻願廣慕萊意抗懷古良臣

慕萊堂詩文徵存

卷四

四

醴陵

吳德襄

稱二

昔有蒙人老萊子皇甫作傳稱高士卻聘避地棲臨江
奉母依依長不仕菡淵太守守其地板輿未遂迎養志
白雲親舍寄遙思作堂因署老萊字季眞景純各書榜
名場題詠紛紅紫欲養不待曾幾時麾幢又見從家起
臨歧眷眷含餘悽折柬要我題其尾李侯李侯吾語爾
大人不失赤心耳儒生事業在致身求忠於孝祇一理
君侯擁蓋江之鄉父母斯民稱樂只矧推錫類教本身

行見善氣充閭里顯揚要道非他求
老萊孺慕甯過是
噫嘻老萊孺慕甯過是

新田 文若火 蘭泉

川橫章貢山倚匡廬有宅相傳萊子故區
斑衣一襲華
袞五珠高風未墜雅韻猶餘蒸蒸良守自楚分符眷言
室邇途同迹殊雲環親舍地阻板輿祿豐養違忠重孝
疏爰志斯堂喜與懼俱蒼天不弔白髮隨徂春秋馳箭
雙淚在裾落花庭院豐草門閭惟萊何幸後此奚辜不
怨而慕與古爲徒堂有時朽慕終不渝千秋萬歲並峙
三吳

慕萊堂詩文徵存

卷四

五

邑人 謝永諤 筠士

李侯奉諱居鄉里暇時過我蔗園裏譚深出不慕萊堂
傾心古道篤倫理老萊子得天真衣斑連戲娛親印纍
綬若便得八州督爭似承歡膝下樂天倫侯云官蒞臨
江守老萊遺迹稱猶舊中懷棖觸天性恩積愛生慕思
以額堂構賀老曾爲擘窠書跋語紛紛等瓊琚卷軸披
閱不暇接雜誦鏗訇神爲舒又復監試臨鎖院徵題徧
及多名彥筆花五色燦陸離珠璣錯落滿東絹世事如
烟美難全白雲悵望痛重泉萊子之慕徒虛耳哦詩慚
愧白華篇侯今年華正強仕尤復鷓班佩紆紫顯揚亦

足慰親心奚必涕泣哀號傷怙恃吁嗟乎慕萊之願弗
能償慕萊之思不可忘惟充此心播仁政民氣雍和
國計昌王事重努力慈惠歌兆億地下應撫掌喜溢二
老色他日晉秩躋臺司墓左焚黃宣誥詞願侯還師
廬陵叟捉筆好繼瀧岡碑

湘陰 鄧甲塋 墓堂

重瞳千古一聖人祇此孺慕終其身蒸民秉彝故無異
胡爲所慕胥滴眞及通朝籍益繆盩雖有文采奚足珍
長安冠蓋事趨走朝暮衙前伺喜嗔天涯嚙指詎心動
誰云戲綵思娛親邵陵太守萬夫特一麾首蒞江之濱

慕萊堂詩文徵存 卷四

六

政聲洋溢古召杜篤行美備今何荀白雲舒卷楚山麓
關河千里時逡巡衰年莫奉板輿樂回望粉榆兩淚頻
下車言訪老萊里客談軼事猶津津太守斂衽肅然起
獨行君子疇等倫堂以名之志吾慕藹然爾室有餘春
天胡不慙遺二老風木悲愴孝子神堂上秋鐙倏明滅
慈烏漉漉血霑巾此生祿養嗟何補心依寸草陔南循
瀧岡表樹松楸奠忽忽雙丸如轉輪祥琴已御猶嗚咽
太息斑衣無復新斯堂不朽慕罔極洞天福地同嶙峋
方今孝治邁姚室鉤鈐明矣鴟鸞馴願建忠勛躋岳牧
會看薄海還純仁

甘棠樹蔭北堂森五馬宮袍孺慕深仙李蟠根徵國幹
老萊斑綵愛親心陳情表重彰官閣養志風高動士林
圖繪西江詩派在春暉寸草費沈吟

太守昔曾司鐸
滄甯教治有聲

雲邊烏哺夕陽明鄴侯經濟關休戚供

奉文章策治平且把黃堂作子舍板輿欣喜拜親榮

海內驚推仲郢賢誰從東閣仰章宣科名藉手匡衡志

哀樂縈懷謝傅年桂籍重探明月窟

太守曾充乙酉科監試

薰華

長憶白雲天最難陟屺頻瞻望幾度思親涕淚漣

慕萊堂詩文徵存

卷四

七

蕭然薄宦滯扶彝愁博塞羶老不知冠蓋西州頽謁頌

樽罍北海論心遲

辱承召飲未預滋歎

蓼莪風渺還青鬢芹藻春

香數白眉

三喆嗣方游泮

獨有南陔補亡句采蘭應繼采薇詩

光緒戊子典試章江內闈監試為同年李菡淵太守相

見甚歡出當日守臨江時慕萊堂額題詠卷帙相示并

述名堂之義率占六韻

蒙古

景

善 蕭亭

卅載同年誼相逢笑語親大名傳典郡至信篤天倫捧

檄臨江日希蹤卻聘人高風斑綵慕孝行白華純亭古

空畱蹟堂開幸有鄰感君題額意令我愴懷頻

歸安

朱祖謀

古微

使君昔領臨江郡西望湘雲意與深一自岡阡成永感
三年圖卷最傷心亭邊豐草斑衣杳畫裏空堂白日沈
我亦鮮民歌未極開看今夕對沾衿

肥城 張興畱 房麓

典郡傳仙李登堂慕老萊榮親勞捧檄畫像補循陔第
一吳公治無雙江夏才從來稱孝養不盡隱塵埃

出處霄淵判同爲孺慕身古今雙孝子荆楚兩傳人斑
綵希前軌朱轡躡後塵白雲親舍渺南望一沾巾

東莞 鄧蓉鏡 蓮裳

至孝誰如老萊子軼事到今傳故里臨江太守特慕之

慕萊堂詩文徵存 卷四

八

築室竊與古人比或疑太守方服官迴憶老萊卻青紫
古今出處何必同孺慕依依同此理漫云祿養可厚非
捧檄毛生曾色喜人生何況顯親難志在揚名良有以
獨不見臨江士庶躋斯堂介壽學酌幽人兕又不見甘
棠種徧堂之前爭息濃陰歌樂只移孝作忠孝乃大綵
衣嬉戲抑末爾君自慕萊我慕君慕君不讓萊專美

祥符 沈源深 叔眉

李侯麟鳳姿總角銘忠孝弱冠掇巍科木鐸振文教烽
火蒼梧來勢若平原燎仗劍赴黔南戎韜展虎豹奮興
風雲會功名自騰越一麾來豫章出守臨江澳年豐俗

益茂治行挈其要愧忝寸草心未遂春暉報老萊有遺
徽此邦最焜燿高士世所希舞綵效年少躬耕忘勤劬
潔膳佐歡笑景行名斯堂孺慕得深造

太倉陸繼輝 蔚亭

策名登皇途詔書隆祿養蹠躩風塵閒簿書苦鞅掌五
馬巡春郊膏雨澤繡壤秋風稻梁熟閭樂熙穰遠宦
別庭闈關山越蒼莽衡嶽勢崑崙瀟湘波浩蕩定省儀
久愆晨昏徒怏怏緬昔老萊子夷攷此邦長舞綵博親
歡遺迹足欽仰築堂寄思慕清風動遐想

秀山王繩祖 元圃

慕萊堂詩文徵存

卷四

九

重侯累將朱門開王公過眼終塵埃神島金宮排溟海
三山無根竟何在人生萬事皆浮游惟有至性足千秋
重瞳天子稱大孝五十年來歲華邁窮人怨慕誰能比
娛親猶有老萊子斑衣戲綵效兒嬉蒙山至今猶仰止
菟淵太守湘中龍萬里破浪乘長風一麾出守移此地
作堂慕萊思無窮袁虔舊政天下最吳公治平誰堪冀
白髮歡言樂可知但恨迎養未能至白雲無盡思悠悠
親廬遙望轉生愁翻羨躬耕能孝養不如歸去滌厠臉
湘翻衡暗風雨急蓼莪哀叫麻衣濕百年烏鳥正多情
重泉回首空飲泣南陔篇成虛願泉下人不可喚父兮

母兮痛罔極白華筮裏翻哀怨吁嗟忠孝祇一身更誰
身能兩地分報國報親豈殊致只此精誠泣鬼神讀禮
已三週洪都又重到人言使君賢至行爭相告我愧鄉
人識公晚虛白堂前襟度遠琴鶴蕭閒仰高蹤況復至
愛降根本獅江半載侍旌麾慕萊堂在公心悲名公妙
墨紛珠玉都爲感激涕淚滋噫吁噫鐵可鑄天難補孝
忱積肝腸苦昔賢高躅公繼武登雲重見結思長孺慕
之心與終古

甯鄉 劉倬雲 璞堂

養親昔有老萊子愉色婉容承菽水婆娑自舞五色衣

慕萊堂詩文徵存

卷四

十

親心爲怡親色喜寥寥千載世運變如此高風今已矣
何期今日有李公潛德幽光照閭里南陔自闢華堂深
啼鳥反哺歸長林慕萊不著老萊服不同其迹同其心
吁嗟乎人生百年如電疾椎牛祭饗終何益欲持寸草
報春暉顧向西山惜殘日捧檄早知毛義意負米還循
仲由轍含飴一笑博親歡森森玉樹階前茁

阜甯 裴蔭森 越岑

苜蓿閒曹祿養微一麾出守慰庭闈隨車甘雨名區遍
望舍孤雲遠道飛卻喜東山成遠志終教伯約感當歸
昔賢此地萊衣舞棖觸三春寸草暉

驛路梅花一騎馳開函韻事報徵詩重添雲樹論文感
郵寄詩想見珠璣下筆時經濟文章期遠到風流儒雅

亦吾師用杜句他年畫錦堂成日更和黃花晚節詞

新建夏獻雲芝岑

慕萊切孝思樹謔瞻堂陰重臨憩茆地節挺松柏森清
高邈俗韻庚嶺花千尋贈別詩一首感傷白雲岑纏綿
而悱惻永懷明發心舊治有存雪大用期爲霖循吏出
孝子讀詩景仰深

廣豐鄭維駒諮臣

高高岵與岵迢迢桑與梓天末白雲多悠悠遠行子獨

慕萊堂詩文徵存 卷四

十一

有思親心一觸不可止章山古名郡萊子有遺址緬想
隱逸蹤紀載傳疑耳賢守蒞茲土流連遂難已遠隔楚
南天但飲西江水善養雖有餘纏緜念甘旨所以闕斯
堂用識心所企孺慕古猶今睠懷遠在邇懸知杜母稱
從茲一念始他日此邦人思君亦如此

毛生喜捧檄介子偕入山親心在用世躬耕良獨難苟
無馳驅心絕裾古所歎嗟予二十餘親老歸故園晨昏
職多曠歲月去難攀上慚岫雲出復作飛鳥還奄忽作
鮮民至今摧肺肝羨君能順親高堂方加餐采蘭寄遠
道遠道有餘歡况復聞令名怡然解親顏題君此卷畢

撫心復何言

興安滕經玉堂

忠孝從難事兩全如君功德獨超然公庭化播章山地
子舍情縈楚天脫帽捧輿懸夙願取漿戲綵景高賢
堂開遙對湘南月恍覩親容古畫前

捧檄西游出楚關孝施有政績班班一州化洽聞金紫
千里情思舞錦斑雪裏恆尋鴻爪印雲邊遙想鶴姿顏
定知鯉對榮旋候回首棠陰覆座間

用監試秋闈大作原韻奉題

鉛山潘彬文軒

五馬勛名振楚天龔黃循績想當年堂開畫錦祥暉永

慕萊堂詩文徵存卷四

三

萊舞宮袍彩色妍一記千秋推景老郭筠仙中丞為作慕萊堂記百

篇三舍讓詩仙太守屢以琅章見示孝思錫類終身慕紫誥頻

頌瑞日邊

昔賢高尚自投閒四體承歡兩鬢頰金幣前番來楚國
煙霞他日臥蒙山斑衣祇博親心喜藿食都因世事艱
獨善何如兼善大先生志學在伊顏

名世奇猷日月光鄴侯才氣豈尋常治安屢策金門賈
姓字先標鐵硯桑天降西平安社稷人推南服大文章
祇今貢水章山地猶話甘棠百壽觴

登堂常沐玉醅霑竹箭南來百鎰兼蒙惠湘省竹器驚乘未堪

期重遠龍門何幸廁堂廉無才我愧高軒過有事公爲
利器銛拭目顯揚崇譽望珥毫作訟許重添

善化唐贊袞 葦之

一麾出江右絕裾辭高堂作忠本移孝令名恆顯揚我
思狄梁公親舍懷所止寥廓仰太虛白雲長徙倚又思
古行役六月賦采薇王事嗟靡盬四牡馳騃騃君昔守
臨江不寐感明發爲構慕萊堂孝思寄幃闥萊子楚先
哲耕稼娛親顏學作嬰兒啼舞綵何斑爛君其奉簡書
徵詣雲中闕報親日甚長笙詩堪補缺膏雨澤繡壤仁
風揚麴塵五馬巡郊甸寸草暉三春

慕萊堂詩文徵存

卷四

三

巴陵任佑觀 桂秋

有車形襜五馬肥一麾不舞堂前衣太守作堂景前徽
古有孝子吾與歸曩昔盛年富文藻緇塵踏遍長安道
望雲心事本分明親舍寥寥鬱孤抱自從作郡政譽美
耿耿此心仍未已楚材不問黃歇堂江南獨訪蒙人里
當年逃聘非浪游寓公名宦皆千秋堂有興廢名長留
但願南陔之草常油油

清江關耀南 道吾

昔有僊人老萊子

列仙傳云老萊子楚人

斑衣娛戲世所美遺蹟

猶畱蕭水湄冠蓋來遊自公始亭前五馬立踟躕遙望

雲山頰徙倚白雲孤飛憶親舍長日思親隔湘水郡民聞公欲懷歸喁喁慕思如赤子經營新堂不日成共祝

臺萊歌樂只願公高堂弗祿康畱公不住心難已公菴政我

邦僅數月公因題作慕萊堂錫類推恩同一理欲知郡民愛

戴心與公思親誠相似召父杜母多傳聞今聞謳歌徧

遐邇頌公德政難具陳公言立教由士起百年曠典一

朝興頰宮禮器修胡篋公創置禮樂器如制公餘課士親賞拔菁

莪樂育烝髦士郡書院缺貲不延山長者垂三濃陰遠

布甘棠枝惠澤春風被桃李當時堂成公燕喜未獲從

遊承杖履待抽手版歸故鄉他日登堂深仰止

慕萊堂詩文徵存

卷四

古

餘干江式

四十曰強仕曲臺有明文胡爲必四十少壯當養親親

年苟未艾強仕仍虛云卽以爲祿養未吏職可循然古

所仕國遠近初無分漢唐迄有宋郡縣通鄉鄰自從元

明來界畫謹幅員區田判虞芮咫道視越秦安車不能

飛邨陵多白雲遂令三春暉寸草心莫申誰歎斯堂作

邵陽李使君使君早鄉舉一官長儒巾黃堂遂游歷仕

路亨非屯南陔縮難到是用愴鼎禍狄公寇承相明發

懷常殷豈必太行巔豈必清渭濱想其慕老萊綵服思

等倫臨江江南地逃隱況有因 聖朝以孝治溥天之

下均蒼生共被暨矧在中外臣聞昔雍正朝有疏終養
陳 憲皇斥終字教戒天語諄亦有梁文莊歸里供晨
昏菜衣晝永扁 裕陵頒特綸使君今題署榮光欽仰
尊風木旣已感傳舍豈久屯縉紳使君述孝子必仁人
編氓使君望仁親必愛民信州山峩峩信江水沄沄厥
有河口鎮關權司要津桐鄉嗇夫耳五馬茲來旬他年
頌遺愛屹如九獅躡二千石在漢公卿陟逡巡行亦瞻
內召白鹿扶車輪於書幕無逸 黼座昭憂勤於詩幕
幽風蔀屋期蕃臻潘君宰岷縣銜恤還里門因堂動孺
慕要我傳清芬我愧顯揚乏公車困太頻後來隴岡表
慕萊堂詩文徵存

卷四

十五

難同耀貞珉

萍鄉 黃家駿

人道首忠孝天經地義垂移孝可作忠忠令孝虧楚
有老萊子高士和天倪上堂佯跌足臥地小兒啼老親
頓忘老舞綵終日嬉逃聘來江南遺蹟是耶非髦髦賢
太守永言在孝思家有白頭親東征事竟違身與老親
離心與老親隨懷古內自悲構堂臨江湄兩字足千秋
鬼神爲慘悽五馬駐河口商賈稱無私雙旌指郡城惠
我冰雪詞嗟我亦楚產讀記涕漣而郭中丞作昔曾膺鄉薦
二老尙在帷迄今充學博二老邈難追蒼天復蒼天呼

兒更有誰杖鄉逾一載離膝能幾時傷公同永感幸公
年未衰 聖朝崇孝治努力佐清時試問老萊子勲業
可能齊翩翩佳公子森森蘭玉枝他日拜恩歸宮袍當
舞衣宏開醉白堂吟哦興不疲翻令老萊慕此樂古來
稀

鉛山祝維城 慎甫

吁嗟臨江太守賢治行孝思人所傳事親祇在娛親意
昔有老萊今慕焉衙齋矯首望親舍雲山萬重板輿迓
高年遠道畏險艱安處家園毋命駕日夕思親可奈何
肯堂經始休蹉跎躬親督役示間暇待著斑衣舞且歌

慕萊堂詩文徵存

卷四

六

昊天胡不憐孝子竟成永慕慕曷已畢生難報罔極恩
從茲捧檄無由喜我亦出守粵之東遠念慈父心忡忡
未出都門罹大故蓼莪茹痛哀無窮賢哉太守終勝我
宦遊希古心力果我今歸來空攀號私室瑩瑩淚傾墮

鉛山程雲俶 稻村

蒙山昔有老萊子披彩取漿博親喜弓旌楚聘一朝傳
奉母臨江作隱士藍袍紫綬屣棄之孺慕之忱終不移
臨江士庶競傳頌莫知繼者今爲誰藝淵太守蟠根李
湘楚鍾靈雛鳳起綺年文囿逞雄師取得功名承怙恃
一麾初出豫章來夙飫庭聞治譜裁整躬率物秉彝訓

不敢隕越眞吏才公餘郡乘窮披索粵有高賢老萊迹
抗心希古特殷勤觸將孺慕縈朝夕板輿欲奉堂上人
堂上高年憚遠巡祀岫空勞鄉國夢晨昏不得起居親
構堂寄意新題額寫出思親情脈脈何時得試舞萊衣
喜懼年華眞足惜終天抱憾心肝摧太守慕萊亦已哉
賸有此堂垂不朽興仁興孝臨江隈我亦負疚私飲泣
棄官省疾嗟何及與君同賦蓼莪詩獅江暮雨瀟瀟急
展箋覓句幾沈吟感我恩悲罔極深老萊百世猶追慕
不盡春暉寸草心

侯官

李祥和

慎甫

慕萊堂詩文徵存

卷四

七

翹首望白雲親舍隔江渚寸草戀春暉古人愧難侶臨
江有賢守多福天錫予笑看萊子亭兒啼豔古語獨惜
雞豚養終遜牲牢舉斑連宮錦袍娛親尤在鉅作堂號
慕萊萊也尙慚沮以此爲之政化行眞莫禦堂蔭等甘
棠仰瞻及婦女錫類動孝思咏題半燕許展卷誦陔蘭
踞踏更無所蹉跎捧檄心板輿幾延伫

秀山

王先民

萬古蒙山在高風戲綵畱斑衣如一日雲構又千秋性
本眞誠結情難景仰休華堂深慕寄孝思共悠悠
孝治袁虔廣人增去後思棠遺千載愛竹護一林慈百

行根源溯孤懷喜懼滋親廬隔萬里心與白雲馳
古郡臨江典龔黃又著聲錦輿疲遠道白髮戀鄉情路
悵關河隔心常几杖縈翻思偕隱子菽養樂躬耕
亭外瞻雙秀堂西說五賢崇基新構處山望共巍然地
近同稱福峰高不羨仙吹笙思潔養應補白華篇
絕妙諸公筆光生鎖院中蓮分千炬白桂綻九秋紅親
舍徘徊志深山孺慕哀期頤微錫淑孝定格蒼穹

安化

王言綸

尊樓

求志期達道委身登廊廟莫謂定省疏顯揚徵至孝吾
楚有老萊卻聘臨江來戲綵娛老母偕隱終快哉藝淵

慕萊堂詩文徵存

卷四

六

賢太守孝行膾人口一麾守臨江正值雙親壽雙親壽
古稀千里色笑違板輿切迎養至性何依依堂上未如
請中心同噎哽爰構慕萊堂以誌思親隱望雲思悠悠
二老不肯畱樹靜風不息孺慕幾時休吁嗟孝如此一
仕一不仕出處雖各殊孝思則一矣老萊逸事聞先生
慕且勤試問千載後誰人更慕君

太原

李希蓮

亦青

膚髮皆親血而能頃刻忘況曾臨古蹟倍覺戀高堂捧
檄晨昏隔迎輿道長繡衣遙著處鄉淚染成行
幸有賢昆玉承歡克代君賢勞皆愛日富貴豈浮雲五

馬推恩遠三牲祭奠芬焚黃花諾捧當勝綵衣文
其飲西江水同官境亦同久傷桑梓隔難讀蓼莪終爾
日瞻堂額悲風觸隱衷所期各努力養志勵臣忠
又擬題七古一章

李侯灑落天人姿一麾出守臨江湄名邦文獻忝考覈
老萊高躅靡子遺當年躬耕蒙山下蓬蒿爲室柴扃扉
油油厥草潔馨膳白華朱萼膺笙詩性真流露佐歡笑
舞綵能博親顏怡李侯總角銘忠孝早掇巍科振文教
仗劍黔南殺賊來際會風雲自騰越已向春郊沛膏澤
何須井里尋游釣遠隔庭闈湘水長寸心未遂春暉報

慕萊堂詩文徵存

卷四

九

小築茅堂寄遐思醉翁佛子稱同調風木摧殘孺慕深
舊遊根觸動沈吟至今移守南康郡猶抱悠悠罔極心

錢塘

汪綬之 芍卿

錦衣不及斑衣鮮高風景仰千百年萊子逃聘如逃禪

芳躅猶畱三十三洞天

臨江閣阜道書
謂三十三洞天

一麾出守李謫

仙下車訪勝登其巔瞻望岵岵心怦然白雲遙接三湘
七澤煙波連以孝治民天乃全一官一隱前後賢大書
綽楔華堂懸金碧不啻生雲煙我願作歌萬口傳請式
斯堂從治如達泉人人親親長長王道臻平平

攸縣

文星輝

桐蘭

吾鄉名孝廉出爲賢太守捧檄蒞洪州祿養承天祐慕
萊寄意深黃堂新結構教孝本身先習染革其舊相感
在無言民亦慕所慕悱惻不自知嬰兒天真露家吹孝
子笙詩賡華黍句神君仁化孚衢巷謨來暮獻壽同躋
堂喜親民父母不羨醉翁亭不念仲甫柳永慕萊子衣
樂晉萬春酒愛日動烏忱怵舞齊傾首一自報鶯遷攀
轅夾衛聚嘻吁借寇鷄長此襄召杜我過清江上猶聞
頌聲普慕德無已時斯堂足千古

善化 龔鎮湘 省五

五馬欣從勝地過綵衣同此舞婆婆娛親素志差堪慰

慕萊堂詩文徵存

卷四

二十

五十由來孺慕多

和羹正待變鹽梅新築華堂署慕萊羨煞孝慈無盡意
公餘時盼板輿來

遲歸游子倍鍾憐采杞詩人詠獨賢遠望庭幃增眷戀
新詩待補白華篇

玉澗金灘好放舟臨江宦蹟至今畱政成報最慈顏喜
何事拘迂戒遠游

親舍瞻依隔梓桑望雲攜酒祝公堂最難椿茂護偕老
同慶升恆日月光

多難年光衰朽身辭尊端合并居貧宦情已淡無奢望

願學毛生捧檄人

朝鮮進士趙玉坡荆峯

清芬什襲有遺經太守思親宛典型九曲寒泉皆孝水

尊居白水洞有九曲溪一篇巨製半朝廷題詠半皆公卿重添東國先人

感三復南陔夕膳馨翹首廬山欣咫尺傍湖合作望雲

亭

善化皮錫瑞麓雲

臨江江水清如瀉江上空亭俯平野不見前人五采衣

曾迎太守五花馬忠孝兼資太守賢追尋遺蹟心茫然

遷史傳文名恍惚史記州老萊子於老子傳疑老萊子即老子武梁祠像色

慕萊堂詩文徵存 卷四

三

斑連漢武梁祠畫有老萊子傳聞吾楚有高士卻聘逃名昔居此

猶龍受化本無方我疑即是柱下史一千年後我公來

香凝燕寢華堂開勳業當從本原出不慕龔黃慕老萊

想見斯堂全盛日名賢題詠紛成帙賤子開緘獨涕零

卅年舊事猶堪述憶昔先人鄉薦初與公同歲舉賢書

解組歸來學陶令悲風蕭瑟慟皋魚如公孝思疇能繼

羨公祿養猶能逮自憾依人老仲宣獨遲奉檄慚毛義

公今惠政滿南康我期歸棹登公堂臨江回首煙波淼

空指粉榆望故鄉錫瑞原籍臨江九月曾往拜墓

南昌楊大猷子任

才子分符不等閒用句高賢遺蹟指蒙山二千載下黃
堂裏鄉夢猶縈戲綵斑

斑衣題筆耀朱衣微徧鴻篇出瑣闥莫悵白雲空縹緲
玳靈三卜待君歸

麾幢又起到匡廬還痛當年阻板輿畢竟後賢勝前哲
求忠於孝拜 鸞書

南昌 徐兆瀾 子文

隱見有殊途家國無異理孝所以事君能臣必能子賢
哉李大夫純孝動遐邇承歡定省時穆然窺意旨幼學
宜壯行男兒志弧矢爰心父母心可以仕則仕一秉臨

慕萊堂詩文徵存

卷四

三

江麾採風下車始厥莖有蒙山老萊昔居此稀齡等嬰
孩戲綵娛毛裏顯揚副所期闕如在問視正觸迎養懷
板輿驅邇迤倦游不果來晨昏輒徙倚建堂額慕萊慕
彼慕親耳朝衣勝斑衣安事株閭里亦越守南康哀哀
靡窮已每登廬阜巔白雲勞仰止事亡如事存瞻望猶
帖吧錫類本諸身期民歌樂只今日君慕萊他時人慕
李天性薄海同聞者皆興起

邑人 夏福鸞 琳生

戲綵娛親說老萊蒙山高絕足徘徊千秋畱得承歡地

五馬翩翩太守來

板輿迎養願深長笑對黃花晉壽觴
峴岬忽驚聞孺泣
孝思空託慕萊堂

雙聲子

邑人 曾光棨 峻卿

半齡孤露佩臚時候深荷阿舅矜憐青袍今誤飄零書
劍孤負訓誘從前同年共學君釋褐偏及青年毛生檄
慰親意遑知修阻山川 念高堂空飛雲注望移忠作
孝難全蒙山如昔風微人往遺蹤仰慕前賢痛椿萱繼
萎蓼萋萋愴廢詩篇嗟余在疚西州又悲淚涸霜天

臨川 饒樹榮 小山

黔南仗劍歷風塵典郡臨江政績新
訪到鄉賢遺址在

慕萊堂詩文徵存

卷四

三

慕萊堂築結芳鄰

蒙山卻聘戀春暉太守希蹤志不違
想見當年娛二老
便教宮錦當斑衣

一爲循吏一遺民孺慕依依共性真
衡嶽後先鍾孝子
二千年內兩傳人

綺歲承歡一孝廉詩才吏治兩能兼
至今移守南康日
夢裏猶勞峴岬瞻

廿四圖描孝子奇啟人至性動人思
他時摹繪堪添入
應有龍眠筆一枝

藝淵宗台以慕萊堂詩見示讀未竟有不禁泫然淚下

者蓋賓得仕江右傷吾親之不及見者已十數年矣因感而賦此

仙源 李嘉賓 萃二

不捧毛生檄莫遂養親志不著萊子衣莫慙娛親意古有名孝子軼事傳青史一仕一不仕均各行其是賢哉李使君二者能兼之一麾甫出守頓起迎養思悠悠道阻長事與願竟違爰構慕萊堂藉報三春暉堂上晉霞觴堂下笙歌奏士庶與賓朋躋堂咸祝壽雷動萬眾歡聞者心猶豔返之至性人欬然若虧欠跋額露性真孺慕矢終身題詠多鴻儒簇簇俱生新忽焉凶問至奔走涕漣泫母兮不可見父兮病垂危夢魂歸雲山隔心急

慕萊堂詩文徵存

卷四

古

行不急肝腸似寸裂含斂視及期三卜兆先決父曰我有子子曰兒無父嗟嗟鮮民生失恃兼失怙服闋仍黯然此慕烏能已詩歌篋笥藏時時展閱視博徵及遐荒珠玉森成行嗚呼誰無父母者對此能不淚盈眶

集唐三首奉和元韻

長汀 胡 欽 德齋

行郡將移檄

張九齡

高堂有老親

岑參

還家萬里夢

張謂

落日五湖春

劉長卿

佳此黃花酌

張說

應知綵服新

杜甫

凝情空景慕

柳宗元

上古葛天民

杜甫

漸與骨月遠

崔塗

語多為別難

朱慶餘

閒堂仍獨息

韓愈

每日報平安

杜甫

適自戀佳賞

韋應物

超然侔壯觀

杜甫

浮雲游子意

李白

誰欲厭簪冠

釋齊己

我尋高士傳

李白

意氣託神仙

盧照鄰

遇境多成趣

白居易

閒情易到禪

元稹

百生終莫報

李商隱

一為動文權

劉得仁

乙酉太守監試文闈欽亦襄試事先於壬午分校

楚國蒼山古

劉長卿

竹聲兼夜

泉

李嶷

藝淵太守同年以慕萊堂詩冊屬題適余乞假修墓藉

以歸田疚愧交縈率成俚句以應

南昌梅啟熙

少巖

主恩未報恥歸田

用蘇句

南望松楸百感牽渺渺孤懷慙

舊德依依孺慕讓同年板輿縱使山川滯萊綵常思歲

月延太息瀧岡阡表續蓼莪詩廢其潛然

慕萊堂詩文徵存

卷四

三

忠孝兼全古亦希安能遠志又當歸白雲縹渺衡峯望

紅日曛曛絳闕依但使異材支大厦自然寸草報春暉

他年畫錦堂開日且把宮袍當舞衣

上饒

張庭杰

卓軒

繫誰無二親感觸同至性百端人事間天倫萬里中分

各有命或以飢驅驚遠程求供菽水勞其生或以祿養

膺顯秩足充甘旨揚其名為家為國孰先後疇得君親

兩無負板輿倘或難奉迎絕裾亦竟難唯否緬維老萊

子隱矣不復仕壹意媚高堂斑衣抵朱紫此中亦有天

幸存出處何常爭比論趨承有職在揚顯定省不免違

晨昏老萊在古亦希有追慕今來賢太守蒙山遺蹟臨
江隈經始名堂如尙友太守治績臨民傳太守寄慕時
已遷蓼莪廢讀曾幾年大人赤子心猶懸

平江 何忠馴 魯坵

一麾賢太守孺慕亦嬰孩溫清心頻戀晨昏首重回竟
餘陶侃酒北上定王臺寤寐承權意欣欣仿老萊
作忠移自孝忠孝又怡怡黃霸曾爲郡青蓮久擅詩斗
南重鄉望堂北繫人思合慰顯揚願斑衣一品披

黃梅 洪 鎮 萊峯

富貴浮雲何足校軼事惟聞重忠孝天道人倫世所欽

慕萊堂詩文徵存

卷四

美

古往今來相則倣教孝本在教忠先全從天性結纏綿
勳業皆由本原出慕萊堂畔自歸然昔聞娛親老萊子
今聞握篆臨江李李公太守何慕萊慕萊總爲慕親耳
方辭振鐸赴黔南虎韜豹略久深諳沙場凱奏親心慰
兩全忠孝復何慙二老古稀休養重幸有季方長侍奉
一麾出守來豫章封檄願效毛公捧板輿迎養道路難
望雲常祝寢門安忽咏蓼莪哀抱痛悲生風木摧心肝
蒙山之下畱古蹟親生之前堂增益孺慕榮思詎有窮
依稀恍遇萊子宅吁嗟乎古今仕隱縱途殊古今孝思
何必拘斑衣嬉戲成往事錫類惟將惠政敷臨江父老

懷芳德南康父老遵典則五馬旌旗戾止時移孝作忠
光於國賤子伶俚歎此身虛度年光五十春一官漸博
難謀養空寄餘生賦鮮民感公慕親無有己名公題遍
洛陽紙高山在望切景行惟慕吾師殷仰止

湘潭 蔡潤暉 柏台

臨江太守如圭璋飛騰蟾窟聆笙簧娛親捧檄動色喜
五馬照耀蒙山陽蒙山昔有老萊子卻聘深居白雲鄉
黃髮猶作嬰兒裝斑衣五色嬉親旁高蹤孝行豔千古
我公聞風重感傷奉金遺鮮恐違訓板輿迎養嗟路長
翹望孤雲隔衡嶽聊以慕萊名其堂退食焚香每端坐
慕萊堂詩文徵存 卷四 七

精神感召如羹牆親恩未報 國恩重望古彌覺增悚
惶昔聞韓公作堂慕白傳名流讌集飛霞觴又聞慕杜
構堂有山谷追蹤百花潭北莊曷若斯堂慕篤行本身
作則敦倫常登公斯堂頌公德名篇鉅製紛琳瑯堂與
老萊竝不朽章水泱泱章山蒼

臨江仙

澧州 盧來源 心泉

純孝歷山同孺慕蒙山豔說千秋高堂迎養費綢繆斑
衣戲綵歸夢涉湘流 五馬黃堂渾一霎忠臣孝子長
畱慕萊心事幾時休白雲親舍千載共悠悠

星子 陳肇寅 少卿

聖凡孺慕同性生發於性每淡於情厚薄既分品自異
孰令人吹華黍笙萊子至孝足千古七十猶著斑衣舞
色笑多因仕宦違何如至樂稱完聚人言戲綵可娛親
誰識當年出處真逃相居吳非擇地越境猶爲楚鄙民
邵陽李公亦楚產養志偏將黃綬縮蒙山世隔三千年
一爲躬耕一仕版老天爲鑒孝子心一麾五馬臨江臨
此邦萊子舊隱地慕萊之慕慕更深至今邦人指其處
堂成太守以憂去聞風興慕更爲誰勝額豔稱舊官署
瓣香讀罷諸題詠前型後軌相輝映袁臨澤溢蠡湖波
君子與民興至行廬山也爲頌臺萊知有先生攜鶴來

慕萊堂詩文徵存

卷四

三

署內有來
鶴堂額

遙指白雲親舍在蒙陽衡浦共徘徊天生蒸

民懿德具況復相廣南陔賦慕萊堂開公慕萊吁嗟乎

慕萊之公人轉慕爲無窮慕

星子

李楚楨

韻香

世風涼薄誰轉移至性至情罕見之娛親昔有老萊子
楚人流寓臨江湄千秋以下傳佳話引領蒙山心最快
孺慕欣逢太守賢命名品作詩中畫迎養期來古豫章
戲綵常依父母傍萱幃露滴秋聲冷凶耗俄傳泣昊蒼
望雲默祝靈椿好匍匐星奔入門早中途疊變心如焚
安能縮地計歸道淚珠流不盡湘波徒餘祿養傷如何

夕膳晨饘未及見令人一步一滂沱陟岵陟屺多悽切
還憶西江孝子轍前有名亭後有堂合觀彼此雙奇絕
賜詩興感意何如展讀再三香滿廬撫躬愴念自滋慟
春暉早已謝庭除

都昌 李乘時 秀峯

藉甚循良傳哀然著作身讀書憂國士移孝作忠人檄
合毛生捧書難李密陳湘蘭歌采采回首黯傷神

道出臨江郡猶聞太守賢下車伊始地戲綵奈何天衡
嶽白雲斷蒙山紅樹連老萊亭舊在孺慕與纏綿

官廨堂成後秋風淚滿衣雙親齊一慟千里兩相違黃

慕萊堂詩文徵存

卷四

元

土終天憾青山舊日歸斯人今再出竹馬迓春暉
我亦艱迎養嗚呼讀禮時未生娛父母雖死媿男兒撫
此無窮感增余罔極思行年將五十忍誦蓼莪詩

南昌 楊大勳 達夫

大孝終身慕公能逮古人一麾纔出守千里便迎親地
攷蒙山近情同楚產眞萊衣新製就舞蹈樂天倫

白水幽居勝南陔潔膳羞篇章工唱和杖履任優游香
白芝蘭發才堪杞梓求稀齡娛二老清福幾生修

典郡承天祿輝生晝錦堂有兒能戲綵對客共稱觴雲
向親闈望亭懷古躅芳迹雖殊出處孺慕總難忘

忠孝平生志酬恩竟兩全
作霖敷雅化愛日景高賢
頌徧章山地歡融楚水天堂
高新構處仰止定巍然

五馬踟躕立心偏慕老萊
似言縈絨冕不及隱塵埃
倏抱終天恨難消忌日哀
瀧岡阡待表丹詔九重來

賤子椿凋日驅車北上時
自膺風木痛怕讀蓼莪詩
有母違顏久無田告養遲
感公題額意吟罷益淒其

藝淵太守莅臨江以慕萊
堂詩刻見示時予方解潼
商道任朗誦一過不禁觸
我懷思

邑人魏炳蔚文卿

巍巍臨江郡鬱鬱老萊鄉

臨江志城內有小嶺曰萊公嶺即其舊里

中有賢

太守新構慕萊堂問君何
所慕有親兩鬢霜未遂板輿

慕萊堂詩文徵存

卷四

三

願怡然升斗將綵衣懷古賢
胥蠻通宮牆羣公動高詠
爭薰班馬香孝乃百行先
言之尤激揚遠辱郵筒寄
發緘慚中腸小人亦有母
母老髮蒼蒼考叔仍遺羹
仲由仍負囊古人不可作
孝德難較量昔歲起烽煙
戎馬羈邊疆再權古桃林
城邑半荒涼局促不自得
苦海此宦場時艱方棘手
重寄誰擔當獨君抒偉抱
洋溢章貢旁有才報君國
有子能文章門祚盛里閭
口碑益芬芳斯堂永不朽
千年魯靈光我歌下里曲
悵惘天一方寄語素心人
鄉夢縈瀟湘

分甯胡濟寬小雲

長懷祿養慰親歡
萊慕堂成意更寬
詎料板輿終卻請
湘雲望斷思漫漫

頻聞噩耗裂腸肝
泣抱皋魚淚未乾
卜玳重占三不易
孝思有感夢魂安

晉甯
宋廷樑 梓儻

將相歸故鄉
豔稱畫錦堂
綠野址何在
平泉莊易荒
一堂何足異
在人不在地
人傑地斯靈
孝子永錫類
我讀蒙山賦
想見孺子慕
老萊故楚人
辟地此邦住

藝淵渡瀟湘
一麾守江鄉
臨風慕萊子
躋堂稱兕觥
稱觴樂未已
風木悲聲起
萊衣空斑斕
行役陟岵岵
記慕萊

慕萊堂詩文徵存

卷四

三

以名堂慕萊心未償
徵詩誌餘慟
同人淚霑裳
我權臨江守承乏
居君後登樓望白雲
署後有樓君顏曰望樓
親舍空同首

廬江
凌錦章 雲卿

萬家愛日老萊鄉
春酒同躋介壽堂
孺慕何嘗分
仕隱人文相重出
倫常從來養
志言難盡
敢謂榮名願已償
行馬臨江湖
湘水白雲飛
處楚天長

宦游風景昔猶今
管領湖山按部臨
新種甘棠春易到
歡承綵服夢難尋
百年歲月終身慕
一卷謳思孝子心

同是松楸千里望
烏啼遙隔暮雲深

東魯卻萊揚聖武北門寄萊有良輔公之慕萊孺慕誠
更慕老萊希往古出處不同仕隱分不同其迹同其心
宮袍可作斑衣舞力供祿養齊肫忱臨江水況通湘水
思親淚灑江之汜淚和水泛入提漿飲入親心勝甘旨
口碑傳有循吏風親聞喜極神相通移孝作忠本庭訓
老萊卽隸蒙山中孝思有類邁龔黃高標千古慕萊堂
垂式同欽三大字如此顯揚眞顯揚我權渝水愧非才
遲隸幘幘亦幸哉懷然大節毓斯邑巍然勝迹接三台
氣聯今古久心儀信徵邑乘讀公詩懷古師今撫膺嘆

慕萊堂詩文徵存

卷四

三

辭官未遂違衰慈折腰負米旣難休不如竟覓老萊鋤
鋤植良苗去驕莠約同歸隱嶽峯頭

歲辛卯藝淵太守郵寄慕萊堂詩屬題予所遭與太守
略同而自署懷讓草堂於南雲學解廳事亦同振觸愈
不忍執筆今秋復辱枉書迫促重九前三日兩窗率成
金縷曲一闋

安仁

張邵澤

奇農

天滿重陽雨爲催詩不遑拈韻黯然如許憶昔板輿迎
養日纔得異鄉歡聚忍倉卒故鄉歸去厚祿輸君二千
石五升米尙把饗飧誤南陔闕誰能補望雲倚徧臨

江樹感萊子綵衣跌地嬰兒戲舞輿從指屏山深處準

備花驄迎護奈二老故園情注此日慕萊君所獨到他
時慕李堂千古懷諼草何足數

又占七律一首

老萊佳話徧兒童太守移來孝作忠渺渺天涯吳楚隔
依依孺慕古今同半山親舍白雲裏三字公堂紫霧中
祿養未能猶抱憾忍將化蜀比文翁

釋芳圃

笠雲

耕田養親隱不仕企慕蒙人老萊子築堂江址表芳躅
斑綵歡聲動閭里嗟余有母病蒼黃見背兒時不在旁
年年寒食南城路獨有傷心淚萬行嗟余有父親迎侍

慕萊堂詩文徵存

卷四

三

五年橐筆栖蕭寺疾急斯須永訣時一盂麥飯淒涼地
我讀臨江太守詩慕萊觸我畢生思幾回把筆淚珠漣
不忍呻吟竟此詞太守真純近無有斑衣繼舞先賢後
板輿不遂養親心慕親心共斯堂久政成遺愛遍江鄉
獄理刑清百魅藏無襦五袴歌來暮從來孝養出慈祥
太守無言仍塞默別有恩情思罔極宰木風撓宛轉枝
此時奉檄無顏色一仕再仕風馬牛三釜而喜千鍾憂
請公移孝易忠蓋達孝天下宏遠猷題名綽楔峙千載
鴻篇鉅製生光采畱蔭區區南國民去思膺有甘棠在

建昌

夏思贊

子俞

新領臨江郡
蒙山草木香
老萊餘古蹟
賢守憶高堂
地闊雲空白
齡稀髮漸黃
板輿迎不得
夢繞故園桑

曾否嘗羹味
堂成願轉虛
依親長有夢
視膳一何疏
回首空遊宦
前身或慕廬
韓慕廬宗伯初號慕閣後忽改廬字者蓋存沒之感寓焉

斯名今三復
兩字稱賢書

老作嬰兒戲
猶存孺慕真
誰無生我者
何況讀書人
楚

客今如古崇
公子是臣不
須形迹論
隨地有君親

六老家多難
郡人慕朱子政教建堂祀之比於五老
誰其嗣政聲
欣逢賢

太守猶是舊
書生物望黃
堂屬臣心
白水盟公所居名白水洞

將尋朱子緒
何必羨躬耕

慕萊堂詩文徵存

卷四

十四

善化 胡棣華 少卿

西江迢遞歲華催
攬古懷今意自哀
薄宦莫成歸
養志

苦心終讓濟時才
三春烟雨迷滕閣
半世升沈感釣臺

風木深悲長飲憾
眷言遺迹重徘徊

我亦蠻溪遠宦人
思親懷古易驚春
深山寄迹忘榮辱

僻壤閒官耐苦辛
白髮倚閭應悵望
青燈對榻總傷神

浮生何用多羈絆
歸隱湘南晦此身

慕萊堂詩文徵存卷五

長沙 周綬榮 芸陔

菡淵同年交最篤別二十有五年矣相見各髮白此數十年中甘苦險易閱歷既多難以覩述出慕萊堂題詠卷見示並督貂續嗟夫菡淵之生平與夫別後之遭際庶於此得其大凡哉夫老萊子雖傳爲楚人其里居究無從攷實臨江遺迹塙否亦難徵信特戲綵娛親一事允足令百世下聞風起慕耳而仁人孝子之用心固結纏綿隨地隨時有觸卽發不能遂其慕而必欲遂其慕故堂卽以慕萊名迨堂成而願遽違慕終虛菡淵之心

慕萊堂詩文徵存 卷五

一

愈悲菡淵之慕愈綿綿無絕期焉然豈獨菡淵哉賤子逐逐半生謀升斗供菽水雖足迹不出湘楚而祿薄養嗇卒未嘗博一日甘旨歡徒使晨昏多缺忽已抱恨終天其視菡淵之慕萊又何如也展讀所示鮮民之痛觸緒紛來覺頌慰兩詞均無所措題云乎哉咏云乎哉慕親根至性在心不在迹迹異而心同先後其揆一世傳老萊娛親戲綵斑衣五色芳躅千載吾友李子觸迹驚心堂顏慕萊情感鶴琴萊可慕親何處慕萊之迹繼萊存慕萊之心悲誰語迹有滄桑心無盡時寸心未盡迹已陳重說陳迹心轉悲吁嗟乎清湘江上蓼園紅太

行山上飛雲白古今游子同此心膝下光陰幾晨夕

長沙

張祖同

雨珊

舞綵遺風慕老萊臨江層構見新開偶披苔碣尋高躅
不爲蘭堂想舊陪春樹路迎驄馬至故鄉書盼雁鴻來
白雲西望連親舍回首前塵意可哀

久聞遺訓策循良再起應收淚萬行領郡早能追渤海
表阡終擬慰龍岡經年多難思籌筆去日難回罷舉觴
圖畫流傳詩卷在高名今古屬斯堂

善化

向萬鏢

子振

纍若分魚符斑衣緬前軌至性先賢同私心殷竊比爲

慕萊堂詩文徵存

卷五

二

賦陔南詩敢貽瓶罍恥肯構勤塗茨景行寄仰止悵悵
寸草心千秋成濟美

堂成愴風樹捧檄無何時劬勞欲報德蓼蓼悲莪詩承
歡思舞綵迎養虛前期親舍惟白雲迴望心淒其

締交卅載前臭味欣同方寒糴共苜蓿宦轍旋分翔萍
蓬偶然合薜蘿雙輪航示我慕萊詩題篇紛瓊琅終天
等遺恨握手心摧傷輸公擅千古茂績俾甘棠芟舍徵
輿情約椽終允臧清時重錫類褒寵邀 天章

龍陽

易順鼎

實甫

人生奇福那有此七十老翁猶孺子但教百歲著斑連

何羨三公服金紫邵陽使君忠孝人一麾昔守章江濱
畫仗朱轡映白日繡衣彩服班青春常從官舍望親舍
目斷西南此雲下臨江故宅說老萊使君下馬登崔嵬
流傳高士千秋蹟根觸神君萬里懷作堂自署慕萊額
寸心每飯依南陔堂成幾日悲風木檢點斑衣淚痕續
縱得瀧岡貽令名終讓蒙山擅奇福示我當時題詠篇
如聞中路嬰兒哭昔余奉母香爐峰攜妻織畚攀萊蹤
南康亦是君棠封韓孟未得追雲龍神交屢貽北海札
相思空聽東林鐘催人白髮三千丈隔夢青山一萬重
自別仙山迹如掃慈親見背嚴親老每懷偕隱介推年

慕萊堂詩文徵存

卷五

三

便思立化皋魚槁故山手築慕皋廬萬事不如歸去好

用白仙見贈句

讀君此編淚如霰固知富貴同貧賤循吏君登

班固書鉤黨余慙范滂傳嗟君慕萊我慕皋宦遊肥遯

兩蕭騷長沙握手遲相見雨雪冥冥風怒號

清泉

劉

筠

竹侯

臨江太守古循良彼何人哉龔與黃敦俗率屬提其綱
化始開宗第一章板輿迎養枌榆鄉冀日舞綵雙親旁
洞庭彭蠡阻且長烏私莫遂神皇皇五馬行部如有亡
高高亭子城北方云是老萊所徜徉老萊卻聘占括囊
娛親七十嬰兒裝太守懷古增悲涼身在吳心在湖湘

築堂於茲額爲張不慕寇公綠野堂不慕贊皇平泉莊
我所慕兮蒙山陽千秋錫類遙相望愛日苦短大事當
轉慕爲哀割中腸如今使節臨吳閫罔極之思猶未央
舊額重摹爛生光見親於羹復於牆男兒阿誰產空桑
乃日束縛名利纏絕裾者温叱馭王彼獨何心吁病狂
賤子曾厠冷官場遙瞻親舍雲停岡陳情歸來胸十霜
歲乙酉筠由益陽學生
養繪有望雲思親圖 苜藿盤媿大官羊唯區區者無
參商昔日岷岫今北邙與君同抱鮮民傷登斯堂也涕
泗滂慕君之慕何日忘寸草春暉兩茫茫

浙江 汪文煥 安之

慕萊堂詩文徵存

卷五

四

扁舟一棹泛官海利祿縈懷失真宰誰復油然孺慕生
肫摯至性足千載藝淵觀察永孝思慕萊堂額徧徵詩
云當出守臨江日板輿迎養歎烏私郡齋讀志仰遺則
老萊亭在郡城北觸懷披誦南陔詩綵衣娛老歸不得
載攷逃榮終隱事臨江古亦江南地從知祿養昔所難
仕隱不同同此志我昔權篆泣珂鄉神交公瑾未升堂
君慕古人亦慕永言錫類瀆水長風樹悲今已矣白
首相要仍孺子遙望匡廬五老峯撫懷雙清亭畔水

善化

張觀遠

越琴

臨江江水何清淪扁舟一葉來江濱同人載酒訪遺迹

惟見老萊之迹委荒塵卻聘當年實居此戲彩爲歡聊
慰親前賢韻事數千載至今純孝見天真水曲山隈游
未竟前途新構逢仙境新構仙境是華堂一舉百觴足
歌詠何日何人手建來臨江太守眞奇哉太守捧檄權
斯地登堂悵望頻徘徊堂名慕萊何取義因慕老萊娛
親意十年宦後曠晨昏未遂迎養承歡志吁嗟夫堂上
畱遠游陟屺陟岵空悲憂眼看嶽雲長渺渺心隨湘水
共悠悠仕養自來分兩境幾人忠孝克全收羨君孺慕
眞無比從茲孝行傳斯里三字能將風俗培百世頑懦
聞風起我有繼母年六十頻年不得奉甘旨天涯有志

慕萊堂詩文徵存

卷五

五

賦歸田盈盈愁隔洞庭水風塵末吏苦吟身依依爲客
長遷徙願祝慈幃百歲存他年旋里奉鷄豚敢云養志
能幾及聊供子職報深恩披讀新堂詞賦畢鴻篇鉅製
鬼神泣手持一卷囑余題願採雕蟲入斯集君今慕萊
築斯堂臨江有幸生輝光臨江太守今猶在父老摩挲
遺愛說甘棠

甯國

黃由熙 小涵

太守以孝治民民從治榜顏三字華堂垂將欲吾民慕
所慕慕老萊子孺慕如嬰兒蒙山高人往已矣

老萊子
隱蒙山

郡北臨江太守今人師斑衣娛親以身孝錦衣榮親親

心怡出處隱見孝各盡鼎烹菽養俱無虧但願人人終
身慕無已太和翔洽時純熙孝治一郡志未慊徵詩海
內醒良知主持風化示觀感非徒淹雅矜文辭我媿三
年遲未報當年正廢蓼莪詩迄今痛定更思痛天上白
雲無盡時

宣陽

曾春沂

廉泉

蒙山猶似舊崔巍憑弔前賢日幾回學舞萊衣成往事
伫看功業比伊萊

循吏儒林合傳中孝思慈治本原同郡人能說平反事
齊把長生祝乃公

慕萊堂詩文徵存

卷五

六

臺南萊北望如何贏得臨江父老歌公自慕萊人慕李
一般孺慕意誰多

文母當年萬壽觴羣仙祝嘏慕萊堂而今晉拜璇宮壽
紫綉綸銜丹鳳皇

武陵

陳壽綸

春吾

江上白雲起慨然登古亭昔聞高士風今見蒙山青仕
隱豈殊途忠孝有常經誰無戲綵意明發曠音形自從
捧檄來宦海浮輕萍升堂寄遐慕望古式芳型遑知行
役中靜樹隨風零年序告駸馳篇翰增寵靈皇皇念琰
卜惻惻讀阡銘微我太守賢孰永茲堂名令聞羨有貽

明德發其馨益敦詩禮訓遠猷爲世屏

湘鄉

黃家驥 小秋

登山莫登衡嶽山衡嶽山高不可攀渡水莫渡洞庭水
洞庭水闊波浪起思君莫上望日臺望日臺下悲風來
題詩莫題慕萊堂慕萊堂外草色黃彼稱萊者何氏蒙
山老萊子彼慕萊者何人觀督邵陽李彼名堂者何意
思親情不已彼築堂者何方江西臨江里我聞李公昔
日守臨江龔黃政績著循良思欲捧檄學毛義迎養高
堂供酒漿高堂不獲迎日上老萊亭不見吾親舍以慰
游子情祇見衡嶽洞庭罩碧空一千餘里白雲封白雲

慕萊堂詩文徵存

卷五

七

縹緲遠何處老萊去矣頓生慕亭址因此新堂名因此
署自是題詠遍九垓孝思可以補循陔重瞳五十猶孺
慕大人之心何異哉忽忽椿萱頽十載出示詩篇猶不
怠委曲語我慕萊心愧無大筆生光采我思斑衣萊老
固楚人七十戲彩以娛親公今慕萊我慕公感觸先君
倍慘神公親雖已死公慕欲何止慕萊卽慕親親死心
不死吁嗟乎慕心不死慕更深血淚長流湘江水一官
一隱雖殊途精神感召竟如此二千年閒兩孝子

又題百字令一闕

淒涼寒夢歎承歡無計畫圖傳出萊子蒙山棲隱地尚

記斑衣情實五馬初臨板輿未遂空覓當時迹故鄉路
遠別離哀感誰惜莫更上慕萊堂白頭人去迎養終
難得舊恨新愁添幾許望斷臨江山色捧檄歸來十年
清淚夜向瀟湘滴傷心千古白雲長繞親宅

邑人蕭光南 虞臣

藝淵觀警吾摯友一麾曾作臨江守臨江江水流湯湯
中有老萊孝子鄉孝子當年徵不起嘗以綵衣博親喜
千古蒙山高莫攀往來行人空仰止觀警來官與有緣
緬懷遺迹心油然每當公暇委蛇日輒憶高堂奉侍年
銅符手綰官良美惟憾晨昏隔千里未遂板輿奉養私
慕萊堂詩文徵存 卷五 八

瞻望白雲不能已萊子有亭留北城尤觸惓惓烏哺情
堂上親書慕萊字冠裳滿座同稱觥自云富貴一時盛
不若天倫關至性身膺膺仕心庭幃羔酒公堂卽家慶
古今出處人事歧一般罔極懷恩私羨公開筵孺慕
正值雙親健在時

漢南 王焜

陟彼蒙山孝慕老萊年屆古稀綵戲南陔臨江太守忠
孝兼該迎養未遂岬岬衷衷明發不寐依戀如孩依戀
不已慕萊堂開昕夕詹仰如詠有臺儒林循吏況擅其
才豫章布化淮南調梅作忠移孝厥修乃來千載知音

同岑異苔編補內則莫罄溯洞

山陰 秋壽南 星侯

天子大孝治天下列聖相承函華夏璇闈福壽逢康強

梯航玉食慶朝野甲申普祝 皇太后聖壽三湘氣節素所敦移孝

作忠靖兵氛江東子弟三千俊中有卓犖更不羣邵陽

觀警人如玉青蓮才調三冬足文戰秋風冠巍科一麾

出守驚流俗觀察先以太守出守江西 與先大父壬戌同登賢書以教以養治譜

垂為民父母為民師臨江舊有老萊里斑綵娛親傳孝

思孝思不匱蘊懷抱顧復常念親闈老親闈久戀故鄉

居未能迎養心如擣終日思親不肯忘居官為築慕萊

慕萊堂詩文徵存 卷五

九

堂從來忠孝難兼盡介弟侍親愛日長稱樸世叔 在家養親鎖院

桂香在乙酉試場校策光射斗觀警是年 為監試捧檄江湖民

正歡榜後又奉委 權稅湖口忽悲奉諱在秋後萱堂初萎正馳回

中道又聞老椿摧麻衣如雪淚如雨入謁遺容心更哀

豫章距寶慶千里之遙奔喪回里 猶及見棺斂非純孝烏能及之今者觀警三吳地親

恩罔極君恩起嗟綱裕 國權湘江下走得隸併幪吏

乙未來湘 督銷淮引憶我聽教到湘東敦州濫厠癸巳冬壽南癸巳方補

柳方期重承補齋訓遠道竹報血淚紅壽南家藏補齋 圖冊為先王父

所遺中多名人題詠癸巳先大父以道員晉引擬來湘 小住再行北上不料甲午之春聞計丁艱壽南徒以一

官匏繫迨到家距屬續已一月餘 矣音容莫仰讀此集更增惶悚吁嗟乎歿不視屬續

生不能奉養落拓三湘滯不歸幸被廣厦山斗仰我聞
狄梁公白雲親舍望高岑我聞歐陽公瀧岡阡表在廬
陵名臣顯揚同所處引看開府江南去再拜登堂讀政
書重刊新詩永今譽

臨江仙

女史 秋閨瑾 玉貞

憶昔椿萱同茂日登堂喜舞萊衣而今風木動哀思音
容悲已邈猶是抱兒時 南望白雲親舍在故鄉回首
依依慕萊堂上題歌詞弟昆分兩地愁讀蓼莪詩

善化 俞譔慶 稚竹

湘水清且漣芳風拂蘭芷昭陵雄以秀李公迺崛起折

慕萊堂詩文徵存

卷五

十

桂明蟾窟司鐸樂泮水負戟夜郎西勛名播遐邇服官

灌嬰城思親陟岵岵移孝以作忠聲名溢人耳嗟維辛

已秋先子抱病委乃承公青眼念余慕孺子先子服官江右與公

寅誼最洽迨辛巳秋先子棄教公慰弔殷肫聯語有那禁臙臨流揮老淚深情撰銘誄先子

流揮老淚句自慕兼慕人孝思曷可擬迨公奉毛檄

洪州五馬駛政餘訪古蹟老萊有故里萊子欲致親戢

影而不仕斑衣娛高堂五十舜慕比章江合淥水錯壤

如犬齒公盼板輿來躋堂觥酌兕詎知邁陽九西山日

薄矣斯堂雖長存斯慕伊胡底我欽公之慕摛詞慙鄙

俚憶維戊子春橐筆橫浦沚宣城周太守屬余濡毫紫

崔顯有題詩擱筆自知恥追今乙未夏多節駐桑梓政
持筦子策商人忤於市我登慕萊堂光霽猶昔似縱言
老萊事公淚復瀾沈我慕公之慕歷久而不已頑廉懦
夫立風師振俗靡世豈無慕親境過情遽止斯慕足感
人天下庶同軌鬼鬼來鶴堂幻境如塵滓臨江官解
有來鶴堂引
領九曲溪清德輝階扈尊居有
九曲溪郊島信寒瘳用以誌緣
始

錢塘

許承家 子笠

仙李蟠根大臨江卜宅新

堂爲觀察守
臨江時所名

卽今蓬鬢改更

覽綵衣春朝夕高堂念鷺飛報主身積年仍遠別回首

慕萊堂詩文徵存

卷五

十一

望松筠

秋風楚竹冷朱紱負平生歲月不我與浮雲終日行定
知深意苦因見古人情負米夕葵外文翁儒化成

臨江

敖養源

古有老萊亭遺蹟郡城北孝行永流傳碣斷苔侵蝕卓
哉李太守天挺 熙朝傑旌輿泣亭址潛德忽增色徘徊

徊瞻顧久曷禁心怛惻迎養親未來孺慕何時輟築堂
額慕萊純孝爲民則修之斯彝常敷之卽政術憶守臨

江郡桃李被薰沐善舉苦經營禮器修廢絕芄芃卍伯
雨融融趙衰日憂比范希文清如包孝肅所居俗潛移

所至弊先剔曩昔勤張施至今銜德澤茲讀慕萊堂涕
流聲嗚咽爲言風木悲祿養久銜恤吾儒重事親詎可
間存歿如斯篤孝忱直與古賢埒小人亦有母年已逾
大耋欲承菽水歡每歎晨昏缺矧感公之慕娛親始終
得孝思惟不磨夙夜懷明發資孝以移忠忠孝無異轍
渾然赤子心炳若日星揭行己光先型繼起羅 天闕
斯堂萬古存源遠流不竭

又題四絕句

辟世僅聞高士傳楚王欲聘已躬耕大年二百有餘歲
七十萊衣自後生

慕萊堂詩文徵存

卷五

三

臨江故是楚江南卻聘娛親播美談蒙莊同隱蒙山老
千載齊名道德參

五綵斑衣說到今五花驄馬正遙臨空山無復高人跡
太守猶畱孝子心

生是臨陽舊部民因緣文字倍情親門前桃李知春意
太息南陔一段春

吉水 劉人駿 牧村

一官羈滯在南湘孝治忻聞振故鄉輿板未償潘岳志
彩衣因慕老萊堂此心愛日今猶古翹首瞻雲梓與桑
宦達何須營畫錦登臨遺蹟勝甘棠

悲含風木孝思長傑構嗟賦姓字香臺比定王光日月
亭同思杜老風霜忠良萬古懷明發憑眺千秋弔夕陽
竭力致身同一理名垂麟閣更流芳

沁園春一闋

長沙

李文同

煥之

思美人兮在楚之南別遽二年憶西江同濟萍蹤乍合
章山出守驄馬初鞭行慶班春採風問俗至孝斑衣萊
子傳傳名地使公懷棖觸迎養爲先尊親樂戀林泉
任鼎食鐘鳴意罔牽迨安輿空返孺思難釋前賢景仰
堂額綦懸錫類興歌徵詩紀幕富有高文存簡篇予何
幸也追隨羣彥遠寄題箋

幕萊堂詩文徵存

卷五

三

湘潭 陳

鼎 梅羹

浮榮百歲電過眼俯仰孰與乾坤參維忠維孝立人極
海若尚抱揚塵慙生身致身各有以不盡爲臣盡爲子
耆年髫齡判行藏教孝原爲教忠始李公仕宦敦儒素
眷戀庭闈若孩孺書冊行傳曾閱情衙齋坐補陔華句
板輿迎養戀林泉彩服娛親增企慕已逼高堂喜懼年
何堪千里痛終天迢遙未暝門闔望奔走休提帖記篇
蓋棺琰卜經旬日擗踴終能見顏色生死茫茫貫元氣
神鬼冥冥欽孝德白頭感歎十三載還推子道供臣職
鄉關督權持廉慎風雅提攜中繩墨鼎也四十尙孤植

衰親屬望愧何極鞭雷冶鐵全毬通負米啜菽九衢塞
吾儕楚人但語楚咸同將相開千古蒙萊已緬昔賢風
勛業尤需後來補望洋浩歎誠小儒軫念匡時在官府
公居散地官不卑要慕伊管關安危好陳曲突厝薪策
共頌車攻吉日詩足食強兵先立信和中馭外慎師夷
平生罔極難酬思更報 君恩不盡時

慕萊堂詩文徵存

卷五

古

慕萊堂詩文徵存卷六

安邱 李端遇 小研

菽淵觀察前守臨江因雙親憚行未克迎養乃作慕萊堂以厲思親之意詢古孝子哉丁酉秋余錄遺至金陵觀察適充文闈提調袖出一卷索題蓋卽諸名輩歌詠斯堂哀然成帙者也嗟乎君棄養而奔馳尙睹親容余棄養而跋涉終違親面以我視君尤抱恨焉奉題四絕用誌感喟

老萊行本非奇特踏遍扶輿得卻難忠孝可知關大節尋常小善勿齊觀

慕萊堂詩文徵存 卷六

一

人人解道重天倫要重天倫敢忘親手盥薔薇披跋語嘆君孺慕已終身

浩劫茫茫數莫逃精誠已達碧翁高白雲目極家山遠棺斂能遲十一朝

題詞各已擅千秋欲贊殊慚贊末由聊祝南豐香一瓣當攀驥尾附名流

善化 瞿鴻禛 芷玖

老萊眞孝子戲綵日娛親君去慕遺躅賢哉躋古人義方成治譜祿養樂天倫眷戀循陔久油油草色春

白雲空望斷風樹不停吹悽絕枯魚感哀餘孝鳥思終

天同一恨中路泣孤兒掩卷邨堪讀從今廢蓼詩

吳橋 劉恩溥 博泉

菽淵觀察以慕萊堂徵存各作見示閱至具慶編末有
胡遇唐王丹臣兩同年詩並觀察和章闡中卽事敬步
元韻

王事馳驅久揚名足顯親心眞清似水德頌澤如春保
赤誠依舊焚黃語最新仰瞻三字額教孝乃仁民
名利場徵逐終身慕更難如公眞性摯但計此心安
戀時無已循良政可觀大人仍赤子庶不負彈冠
秋月揚輝候霓裳詠眾仙官衙忙似市鎖院靜於禪卜

慕萊堂詩文徵存

卷六

二

夜惟衡校量才卽事權陽春承索和不禁湧言泉

海昌 朱錫恩 滄清

曾記臨江奉檄年白雲親舍隔遙天版輿未遂潘生志
願著萊衣舞膝前

堂名兩字徧徵詞想見終身孺慕時我亦常懷遊子恨
那堪卒讀蓼莪詩

然法 余於乙酉歲遊學武林聞先母疾遞歸已不及見終身飲恨讀此集益用

越州 陳通聲 榕墅

七十綵衣學孺子家庭之樂那有此古來老萊隱蒙山
使君與之同鄉里朱幡赤蓋莅豫章二千石治傲龔黃

循吏應登班固傳思親先築慕萊堂成聞赴君歸楚
至今念之泣如雨表瀧縱得貽令名舞綵忽已成虛語
鎖院邂逅鬢如絲秋風秋雨助悲思今年閏中多風雨孺慕之

私今猶昔示我題詠索我詩我詩未成暗太息昔年賤

子初通籍走馬方看曲江春歸來麻衣痛如雪余以丙戌通籍

先慈卽於萱花摧落椿蔭濃長安負米不濟窮甘謫蓬

萊乞守郡陸沈黃綬與君同余自乙未出京去年攝守松江今年監試南闈官辦

畧與頭白有親君遜我妻知委畚民獻鮓去年迎養家嚴舟過金山縣境張堰鎮民饋鱸魚鮓數瓶

有親不歸我媿公襤襪觸熱滯江東明年准擬挂帆去

慕萊堂詩文徵存 卷六 三

吳尾越頭一水通 樂平 汪元慶 泉孫

我本西江人在外宦遊早憶昔返章門知君官聲好拜

謁得瞻韓氣宇出塵表宦轍各分途十年音問杳金陵

名譽馳鄂渚風塵擾倏聞使節來相見論文藻云有慕

萊堂詞章可細考開卷一再讀珠玉多名稿後賢慕前

賢古今同懷抱孝行真堪傳美談世所少嗟予失恃怙

徒覺夢魂繞板輿無奉時親墓久未掃搦管爲題詩感

歎心如擣

昔聞老萊子斑衣以娛親爲避楚王聘遠遁臨江濱今
乃有孝子感念遺蹟存出守權是邦明發懷椿萱維時
構華堂題額名慕萊板輿思迎養綵衣賦蘭陔只因山
川阻 高堂憚遠征惟此孺慕心中夜猶怍怍未幾歎
風木望雲增慘傷題跋寫餘哀觸我九迴腸賤子遊京
華實惟同治初雙親正健在迫我驅征車戊辰始歸省
依依兩月餘拜辭復北上豈敢效絕裾庚午初冬月椿
庭疾纏繇思子寄手書手書字不全展讀頓驚駭趣歸
心如煎戒行未首途抱恨已終天癸酉復入都歷年十
有一萱闈屆八旬歸養情尤急乞病遂烏私每懷詎靡
慕萊堂詩文徵存

卷六

四

及誰知半月間慈親遽見背岬岬瞻空勞蓼莪詩久廢
我憶慕萊堂亦深慕萊心拈毫謾題詠詠罷淚沾襟

肥城

劉德元

冠一

斑衣樂事豔稱萊賢守臨江切溯洄一麾常思鍾粟養
雙親未奉板輿來門閭遙望白雲下岬岬空嗟碧水隈
報國情長戀北闕趨庭日短轍南陔建堂願博慈幃喜
題額詎同畫錦開方冀袞袍移綵服那堪萱老繼椿摧
靈琰三卜鬼神感故郡重遊草木哀王化端由推愛敬
大人總不失嬰孩欣承丹詔分符節好共青蓮拔俊才

觀察本科

內提調鎖院森嚴憑首領關防機密費心裁經傳牛

背文彌富

公擬作老
橫無匹

舞警鷄鳴志弗衰

公每早必赴
門照料勤慎之

至自古忠臣皆孝子羨君無愧棟樑材

商邱

王從禮

質樵

湘水清淪嶽麓春山林廊廟兩傳人一麾曾訪先賢宅
雙袖不霑後起塵自古忠臣求孝子於今故里重遺民
流風善政千秋在多少鄉氓感養親

宜春

歐陽靄

文卿

赤手能清瘴海塵黃金難買北堂春陳情不敢忘先德
捧檄何曾愧古人江國一麾生佛號大羅重現宰官身
鰥生幸附青雲士敢道文章信有神

慕萊堂詩文徵存

卷六

五

沅湘流水怨何深衣錦還家日已沈萊綵竟成千古恨
桑弧聊慰九原心蒙山鵲血蓼莪淚楚澤烏啼楓樹林
我是廬陵老孫子龍岡回首涕沾襟

湘陰

劉潤珩

礪吾

仕隱有分塗性天無異理孺慕本天性何論隱與仕臨
江故楚疆湛湛江南水相傳周老萊將母隱於此吾湘
賢太守分郡縮符璽治希漢循吏行慕古孝子回望九
疑山白雲天際起感此傷子心徘徊老萊里慕親而慕
萊拳拳此心耳以此名其堂子心聊爾爾胡然厄於天
天幸良難恃子抱慕萊心親無萊母齒親齒有時盡子

慕無時已慕親親不生慕親親不死徵詩紀其事積帙已盈咫披覽未及終涕泗不能止嗟余少也賤貧不謀甘旨二十早失怙隱抱餅疊恥三十困公車遠行嗟陟配一朝幸釋褐聊博慈顏喜願遂板輿樂恩勤答毛裏奉檄殊未遑天不諒人只一夜悲風來蒼黃返桑梓黯黯三春暉此生長已矣公憾不如萊我更非公比擲筆一淒然鮮民類有泚

錢塘

諸可寶

遲菊

慕萊之堂見性真綵衣誰不願娛親幾能祿養隆鐘鼎何幸年家託紀羣

先編修兄可所亦與王戎鄉薦

孝子如公此獨步小

慕萊堂詩文徵存

卷六

六

人有母今八旬齒高未畏涉江漢

去秋慈慶在崑署今春五兄可權迎養於

荆門敢乞觥籌侑一巡

光山

楊炳震

仲起

江右觥觥賢太守政餘訪古慕蒙山願將思親點點淚併作甘霖雨九寰

自昔求忠孝子門洞庭回首愴星奔白頭重展斑衣看欲化煙雲是淚痕

山陰

朱秉成

約庵

至性不能做春暉有盡時君師楚萊子我廢蓼莪詩親舍雲仍白窮人鬢欲絲卽今營薄宦未有表阡期

富貴總煙雲王侯牛塵土惟茲忠孝名流傳足千古
岵何嵯峨瞻望母與父蒙山隱老萊謝絕楚王府躬耕
歲月長綵衣翩翻舞李侯守是邦天符佩銅虎孺慕印
同心榜題輝瑤圃皇皇三字書字字出肺腑板輿迎未
來蓼莪恨難補捧檄一何懽思親一何苦望望斷白雲
涕零湘江雨盧墓節餘哀旌旄渡揚潁孝子作忠臣左
貂行按部彈指頌聲揚椎牛慰木主萊子楚先親李侯
今砥柱衡嶽兩傳人後來應記取海田極滄桑歸然此
高宇

慕萊堂詩文徵存

卷六

七

元和 王鳳藻

采衣斑斑照青史世人競說老萊子巍然一堂在何許
西江江上門前水邵陽觀管有至情慕萊兩兩棖題字
初慕老萊衣繼慕老萊福百首新詩乞未多萊衣忽改
麻衣哭父母已長離兒心仍如故人間多孤兒對此痛
霜露我今三覆慕萊篇含毫百轉難成句

吳縣

孫宗弼

此是人間至性篇夜鐙坐對自流連承歡空記堂三字
寄慕無端事百年一樣拳拳徵故跡千秋冉冉託前賢
會翰再續瀧岡表我亦鮮民更惘然

銀燈一穗搖窗碧青瓊擁斷愁如織慈烏夜夜月中鳴
游子不歸空太息我從弱冠辭萱幃一鞭一檝東西飛
十年猶是諸侯客况當堂北鬢如絲三十年華等閒度
栖栖眞悔浮生誤扁舟已息江海心除茅擬向衡山住
買山商隱媿無錢結廬奉母當何年長沙離舍縮如繭
撫劍四顧心茫然邵陽使君本儒素偶因司權鄉關住
聞公手築慕萊堂堂接斑衣奉親處一麾昔守臨江城
思親日日看雲生已聞比戶神君頌更感君侯孺慕情
孝思自是千秋重何堪忽抱終天痛歸檢斑衣漬淚痕

慕萊堂詩文徵存

卷六

八

撫棺日夜淒魂夢歛歛示我題詠篇讀罷那禁淚涓涓
何當拂袖奉親去自種南山數畝田

善化

汪槃

鏡清

翩翩五馬說當年治譜爭傳太守賢日暮老萊亭畔望
高風嫩行兩流連

匡廬西去楚天長戲綵怡顏願未償親舍白雲勞悵望
自題螺扁署華堂

豸衣重蒞秣陵春行篚珠璣墨藩新晨夕開編相對處
知君孺慕永終身

賤子春明遠宦時北堂溫清屢睽離斑衣脫後裁詩廢

掩卷徬徨淚雨澌

仁和 錢德培 琴齋

肯把真純讓昔賢 侯仙骨本翩翩 陔循永篤終身慕
楚彥長留錫類篇 愛日豈因窮達易 流風端合後先傳
而今高閣臨江峙 士庶登躋總泫然

一麾克展澄清略 百歲旋驚隙影過 獨羨登堂娛戲綵
更忻同里舊鳴珂 盛名鼎鼎輝蘭芷 素行兢兢愴蓼莪
我亦椎牛感風木 何如雞黍換笙歌

天水 楊 炳 思軒

天地菁英洩湘水 篤生鴻才爭羨李 一麾出守到臨江

慕萊堂詩文徵存

卷六

九

來暮興歌徧遐邇 臨江自古有蒙山 山接青雲縹緲間
中有孝子洵不匱 娛親戲綵舞衣斑 藝淵太守重彝
倫 一覘遺跡動天真 板輿未遂迎親志 徒切烏養懷二
人 因築華堂寓深情 慕萊二字署分明 人為 君續南
陔譜我為 君吹華黍笙 古稱大孝有虞氏 五十慕親
親 豫底 君慕老萊我慕 君以慕感慕慕靡已我昔

筮仕在青門 二年定省訣晨昏 雲慘風號噩耗至 抱恨
終身何忍言 吁嗟乎家國事歧情不歧 作孝作忠無二
理 從來治化有由基 廷獻原自家修始 羨 君至孝格
穹蒼定膺壽考 如陵岡尤願簪纓綿百世 涓埃永遠答

天閭

善化 蕭彰甲 梅初

省識梁公意瞻雲百感生臨江歌袴日萊室舞衣情古
蹟堪稽攷華堂正落成至今歎風木無限孝思縈

家在湘江曲斑衣尙有坪微居湘潭有斑衣坪人稱萊子孝我慕

鄴侯名烏哺曾陳表龍門未識荆槍懷椿謝後服闋淚
仍傾

奉題慕萊堂卽以送行

善化 張聲鏞 墨純

賦到臨歧意黯然魂銷眞箇淚盈箋已看錦纜牽黃鵠
愁聽東風喚杜鵑愛士平津儲別館依人王粲感華顛

慕萊堂詩文徵存

卷六

十

何當更署芙蓉幕鴻雪重尋翰墨緣

我亦孤雛失母身愴懷風木倍傷神已輸萊彩償偕隱
無復潘輿更側巾臨江使君景遺躅蒙山孝子眞傳人
堂成慕萊並千古大孝錫類邁等倫

大興 徐壽朋 進齋

少小皆知慕父母長大往往漓其天去親漸遠性漸薄
奔走名利徒牽纏邵陽使君眞孝子孩提之心晚愈堅

一麾曾作臨江守迎養未遂如負愆地有老萊遺蹟在
愛親豈敢讓先賢欲求居鄉勤定省教忠庭訓難違延
捧檄承歡一心遂板輿莫致百慮煎爲羨老萊彩衣舞

堂築慕萊開綺筵梓桑恆嗟親舍隔岷岫時廣行役篇
於今蓼莪詩廢誦空悲風木恨百年茲堂之名堪錫類
顯揚事業當仔肩我斯益信大孝終身慕父母慕萊之
堂千秋萬世常巍然

馮甯

楊熙瑞

漢雲

我有舊友老贊皇昔年振鐸來吾鄉桃李新陰環講幄
煌煌美富峻宮牆苜蓿未能供祿養提戈奮袂出蠻疆
與我同仇賦袍澤蕭疏晝角凝冰霜掃蕩五溪歸故里
聯騎振轡遊燕水對牀風雨話長安魂夢猶縈舊時壘
紫禁轉回玉漏催五花驄馬車同軌君馳江右我還

慕萊堂詩文徵存

卷六

七

黔筮仕分途從此始熊軾堂堂出豫章臨江瓜代復南
康列郡謳誦動衢巷至今遺愛頌甘棠鶴俸已臻二千
石願請君羹進一嘗雙親雅愛田園樂板輿未奉遙相
望臨江北郭古蒙山萊子娛親戲綵斑使君孺慕追前
哲白雲時復心往還拓地構堂無限意嘉名爰以慕萊
顏堂成一卷徵題詠觥觥鉅製追馬班人生大節根忠
孝隱見殊途實同調不惟其跡惟其心致身竭力皆名
教具慶歡承鼎養隆金丹莫駐千年貌攜歸蓬島樂優
游賸有堂楹銜夕照賤子展讀慕萊詩愴然掩卷心如
癡憶自從軍投筆日已是興悲陟岫時廿年困守牂牁

郡小人有母多違訓嚴亶瘴霧滿蓬蒿寢門遙隔馳書
問而今永抱鮮民哀回思怙恃心肝摧廢讀蓼莪悲未
已更感斯堂署慕萊

謹步新甯尙書三十韻奉題

福州

趙詒書

湘浦

蒙山自昔老萊宅頽垣廢址委蒿萊李侯生二千載後
慨慕老萊有以哉本來忠孝出天性一朝勃發無涯隈
娛親何論仕與隱大孝終身心尙孩綵服嬉戲二老側
欲博堂上輾然哈後之視今猶視昔前賢軌轍常滌河
慕萊作堂欲踐迹後先同揆人爭推李公真性極純篤
夙承鯉訓誥蘭陔依依愛日展孺慕忍勞車馬從陪儷

慕萊堂詩文徵存

卷六

十一

煌煌 天語促命駕詔書手捧頻低徊幡然移孝決吾
計兼以顯揚慰背船事君事親非兩事立身大節始終
該畫瞻岵岵心常動夜坐文書手自裁政通人和荏苒
靜邇卒無驚闔數枚衙齋望雲忽遐想孝思蟠際徹埏
垓居近老萊矢終慕此堂價等黃金臺更乞諸賢額詠
記珠璣錦繡高巍崔無何椿萱相繼逝綵衣未脫疊麻
裋異哉封翁屬續囑何須齧齒心同摧至今老萊亭畔
路恍惚蓼莪留餘哀我披圖卷三太息緬懷先德意未
灰少侍中外服教訓君恩也欲答涓埃邇來服官廿餘
載春秋霜露腸九回襄勤粉署矢謹慎權緡元氣思滋

培夙興夜寐幸勿忝官箴佩服如風雷愧際 聖明少
展布猶績未足垂後來重以索題更到我前崔後蔡許
相陪喜君真性動無敵嗟我先緒猶未恢示我周行實
好我同舟共仰槃槃才報國日長各努力會看 丹詔
九重開

彭澤 歐陽霖 潤生

天倫樂事何不有七十爲兒古無偶多少塵寰養志人
誰能不慕蒙山叟蒙叟避世辭楚狂奉母偕隱閣阜陽
至今有亭志遺蹟行人指點榛蕪荒邵陽使君篤內行
一麾適守臨江郡頌春偶過老萊亭孺慕因之觸方寸

慕萊堂詩文徵存

卷六

三

王事鞅掌疏晨昏白雲南望思吾親萊堂自署慕萊額
登堂無異屹岫陟風流不繁仰蘇樓阿好還嗤懷謝室
堂中白日悠悠去風木悲生一何遽從此人間作鮮民
不忍重過舊官署示我名流題詠篇更移榮慕成哀慕
嗟余少孤事未能中年奉母民社膺一官煩劇苦奔走
每疏溫清心怵怵九十老親風燭迫邗江鍾阜晨昏隔
捧檄欣承大府憐依依得侍慈親膝丁亥由大梁改官
江南奉先大夫
人居揚州辛卯治金陵權政癸巳春大府選員承揚州
隄工之乏乃乞量移養親是年冬 太夫人遂捐館含
撫今追昔 能無泣然 方期白首著斑衣鉅料金萱萎冬日雪濺麻
衣萬木枯空對昊天悲罔極三復斯編淚綆縻片言重

告世人知老萊奇福誰無慕珍重春暉正永時

武甯 劉鎮定甫

年年慈竹問平安話到家山淚不乾指點衡陽迴鴈處
春暉遙在白雲端

笙詩何日補蘭陔好倩衙齋署慕萊千古孝思同一轍
長沙曾築定王臺

登山遙望每依依我亦南遊悵未歸擬把故園描一幅
晨昏猶得侍庭闈

善化 黃彝凱 蓉瑞

提挈湖山仗異才花驄臨郡獨徘徊絕裾未肯同溫嶠

慕萊堂詩文徵存

卷六

十四

舞綵還教慕老萊遺蹟儘從江水遠精誠應揭岳雲開
書屏合製懷親賦珍重蘭馨拂玉垓

仕隱分明各性天植基同是道根全清時莫謾稱高士
篤行真能邁昔賢底事出薪甘閉譽曾從煨芋悟談禪
顯揚爲遂平生志信有風雲護傑傑

益陽 周開銘 桂午

李侯孝思肫且摯捧檄欣欣慰親意豈謂一麾出守時

正是戲綵娛親地萊子承歡卻聘歸使君佩組隔庭闈

高年未肯輕跋涉板輿空迓白雲飛白雲迴繞千餘里

門閭望斷秋江水一心羨煞班衣人白髮蒼顏猶穉子

畫堂徙倚日千回兩字題名曰慕萊遂將章水幽人宅
化作長沙望母臺萱幃棄養解簪服中道摧心愴風木
豈是仙成不壞身不見見歸不瞑目人生怕讀蓼莪篇
我亦思之淚泫然萬里貽我詩盈帙如聆一曲臨江仙
臨江歸去依桑梓邵陽版築連雲起堂成名並古微高
千載流芳魏與李邵陽魏默深
有古微堂祇惜堂前歲月過空留
庭樹影婆娑迴憶四方弧矢志拋親都爲在官多君今
觀察江南道同譜幾人名譽早太息蒙山積夢思空教
白下徵文藻從來移孝可作忠不朽思與古人同君旣
心儀老萊子何如身作寇萊公

慕萊堂詩文徵存

卷六

五

邑人 鄧介春 康莊
履原名

世人重爵祿絕裾別高堂晨昏復何事遠在天一方男
兒意氣壯堂上鬢毛蒼身貴親已沒風木徒悲傷卓哉
老萊子躬耕蒙山陽屢聘避不就養親故如常七十白
髮翁猶抱孺子良嬉戲舞且歌楚楚綵衣裳迄今千載
餘事久名益彰富貴成灰土孝子有餘芳我友性純孝
奉檄來是鄉徘徊故亭下欲去復傍徨斯人不可作漫
山秋葉黃登高望親舍湖湘雲渺茫迎養偏未遂遺憾
迫中腸呼工構亭榭歸然魯靈光景行殷仰止慕萊識
其詳憑欄俯顛水兩字汲古香錫類此心同仕隱與偕

臧名公寫孝思題詠富琳瑯探手抉天漢一一垂縹緲
我從田閒來相敘見雲章羨君還自媿藜藿願莫償青
袍卅載餘負疚履秋霜椿萱感零落涕泣下數行

善化 唐贊慈

老萊行年已七十徵書逼迫離鄉邑心依寸草戀春暉
高堂對鏡悲白髮五色斑斕舞雲裳渾忘兩鬢髮蒼蒼
洞庭水遠心不遠臨江水長情更長自漢迄今二千歲
老萊古亭堆蒼翠使君李公訪遺蹟繡衣采服青絲騎
使君下馬登崔嵬臨風惆悵增感媿板輿迎養戒崎嶇
形影依依縈寤寐纏綿鬱結構斯堂慕萊題額多寓意
慕萊堂詩文徵存 卷六 六
賢哉太守忠孝心邵陵東望淚沾襟天荒地老精誠結
千齡萬歲巍然欽

善化 唐贊崧

衡陽鬱鬱楚天碧自來游子苦行役洞庭淼淼湘水清
自來游子苦遠征花驄首按臨江郡竹馬懽迎下車問
城北舊有老萊亭夕陽明滅一角青徐攷郡志玩本旨
楚王屢徵堅不起逃隱蒙山耐躬耕春來春去雨初晴
白髮雙雙親健在躋堂介壽時稱觥行年七十不知老
斑斕戲綵猶孩嬰自古大舜稱大孝五十而慕天生成
姓氏不詳老萊子但盡其心不居名太守儀之心勃然

湘之濱兮衡之巔白雲親舍何迢遞高歌青眼時拳拳
安仁板輿戒途遠心如春繭絲纏繇老萊有亭時徒倚
慕公之行真人子蓺茲黍稷供壺漿不急榮祿棄朱紫
公餘重建慕萊堂春風無限寄瀟湘湘水滌洄曲復曲
惟祝椿萱日月長忽然一陣狂飈起雲黯黯兮天蒼蒼
身世倉皇苦如此杜宇聲聲嗁斷腸始知人力未可恃
青楓葉赤天雨霜和前再筮意不易羈旅精神戀魂魄
性之所至格天人況復血氣本一脈天實爲之莫奈何
檢點遺編珍手澤居廬讀禮年復年鹿洞幽棲飲寒泉
志清中原復擊楫馳驅猛著祖生鞭蒼黃時局竟如此

慕萊堂詩文徵存

卷六

七

終古浮雲幾變遷斯人骨力堅逾鐵滄溟倒注龍安眠
海國重重固門戶中州歷歷舊山川江南江北氣盤鬱
衡山再出五珠聯忠臣求必於孝子手挽天河旋坤乾
正氣磅礴貫日月浮楂荒渺陋張騫酒酣耳熱王郎劍
雪虐冰堅蘇武羶今日蒼生祝霖雨誓掃逆氣清狼煙
功成丹毫繪麟閣歸田敬表瀧岡阡玉鑪供奉芋火永
懶殘不死徵夙緣瑋瑋玉佩凌霄漢鶴鳴聲聞于九天

湘鄉魏

殺連裳

周漢中興日龔黃出守年 國恩儒術重家教義方傳
詩禮通爲政旌旛擬若仙樹聲惟孝友貽令在騰騫至

樂思烏哺先型湖馬遷戲啼珠淚落獻舞綵衣鮮咫尺
蒙山路淒涼小宛篇天高昇有畔地闊縮無邊縱使光
榮極其如色笑捐讀書勞寄意宰治得真詮層構廬山
迥奎題寶相圓篆留三字古春合萬家憐孝水涓涓釀
慈雲漠漠連輿歌列郡送史筆後人編下走輪高誼低
頭感逝川廿年風木痛半畝稻梁田截髮延嘉客知名
遜大賢花羅虛勅誥薪米飽熬煎豈少銜環雀終悲
泣血鵲取踰慚白水聞觀察居
有白水洞置橐問黃泉殘喘煩噓
植三性待吉蠲公能隆錫類未必主恩偏

禮泉

韓

愔

味琴

慕棗堂詩文徵存

卷六

六

沕穆開洪荒至人察倫理昊天罔極恩終身慕無已茹
草飯糗餘危安任驅使象謨允克諧虎尾亨能履時爲
歷山耕相勸勤耘耔肇造中天陶堅緻器不毀雷風兩
弗迷鬱陶楚然喜重華德升聞明揚大孝子帝女媯汭
來觀型在桑梓神化通八方羣黎修人紀庸眾順乎親
孩提知所止各攄明發懷孰不念毛裏蓼莪廢何人斯
道常在已錫類洵靡窮老萊旋繼起彩衣舞爛斑蒙莊
本同里戀戀一體分依依惟隱士萬里拜君門一般歆
膺仕玉笏映珠纓璀璨炫若此駕言海之隅家臨沅有
芷悠悠鹿車牽泛泛蘭棹艤几杖相與偕晨昏奉盤匭

黼黻贊猷謀庭闈供甘旨華黍頌年豐父母歌樂只孝
忠兩無虧人爲豈不是愛敬義難兼天命嚴顧諟明善
待觀摩良朋道高美霖雨望蒼生施濟醫瘡痍儻不出
戶庭世運長傾否爲敬章門關民將拯水火行見泰階
平聯班斲金紫黃道炳日月雨露湛丹所五地草天喬
萬樹花旖旎政行虎渡河化洽馴野雉臨江號通衢名
賢留古址聲氣占大同應求其一揆築堂敦古先奚問
宅近市手綫覘慈暉劬勞誦母氏因之循南陔聊以當
陟屺子季莫吝嗟無惡幸在彼出入儼追隨朝夕潔滌
澆堂高親有年事易道復邇迄今酬君恩顯揚疇與比

慕蒸堂詩文徵存

卷六

九

三接禮不愆五鼎相予祀國教成於家宛如臂使指吉
叶大君宜懽騰挾怙恃薰德多善良向風筋篋篋懷音
嘉束芻振旅賦采芑補闕華袞榮章身披繡牙翩翻珠
授烏髣髴冰躍鯉孺慕鍾至尊異數錫蕃祉彤管表煒
煌門閭渾徙倚

